

EXTRACTO DOS ACORDOS ADOPTADOS POLA XUNTA DE GOBERNO LOCAL NA SESIÓN CELEBRADA O DÍA 10 DE MARZO DE 2010

A Xunta de Goberno Local celebra sesión ordinaria, en primeira convocatoria, o día dez de marzo deste ano, baixo a presidencia do Excmo. Sr. Alcalde, DON JOSÉ CLEMENTE LÓPEZ OROZCO, e coa asistencia dos Ilmos. señores concelleiros DONA SONIA MÉNDEZ GARCÍA, DON JOSÉ RÁBADE ARIAS e DON JOSÉ FERNANDO PIÑEIRO DÍAZ; e a membro da Xunta de Goberno Local que non ten a condición de concelleira, DONA MARÍA NOVO PENA. Actúa como Secretario o Concelleiro-Secretario en funcións da Xunta de Goberno Local, don José Rábade Arias, e asisten á sesión o Secretario Xeral do Pleno, don Luis Regal Pavón, e o Interventor Xeral Municipal, don Marcial Rodríguez Toajas Toajas, os cales foron convocados para o efecto. Adóptanse conforme ós termos da orde do día os seguintes acordos:

ACTA.- Apróbase a acta da sesión da Xunta de Goberno Local, correspondente ó día 3 de marzo de 2010.

ÁREA DE URBANISMO

1. LICENZAS URBANÍSTICAS.- Aórdase a concesión das seguintes licenzas: para demolición de dous edificios sitos na rúa Armórica, números 10-12; para a modificación da licenza número 1240/08 para reforma de accesos, instalación de ascensor e traballos adicionais, con demolición do núcleo de escaleiras exteriores para posibilitar o incremento de dimensións do patio que se xera xuntamente co núcleo de escaleiras do edificio lindeiro, no edificio sito no Polígono Sagrado Corazón, bloque 2; para construción de escaleira de acceso dende a planta baixa ó entresollado no edificio con licenzas números 1/92 e 17/95, na avda. da Coruña, número 475; para modificación da licenza número 322/09 para obras de adecuación en edificio existente, consistindo a modificación no cambio de sistema estrutural, cerramento e acabados no núcleo de escaleiras e ascensor, no edificio sito no Polígono Sagrado Corazón, bloque 3; para construción de edificio na rúa Aguiá; para substitución de cuberta na vivenda unifamiliar existente sita na rúa Mondoñedo, número 1; para legalización de supresión do patio de luces e modificacións de tabiquería interior sen modificar o uso de cada planta segundo a licenza anterior número 1179/01, sito na rúa do Teatro, número 12 e para legalización de supresión do patio de luces, cambio de uso de rochos a local sen uso definido e modificacións de

tabiquería interior no edificio con licenza anterior número 1180/01, sito na rúa do Teatro, número 8.

Acórdase a denegación de licenza para construír unha vivenda unifamiliar illada, no núcleo rural tradicional de Conturiz+San Amaro+Castro, parroquia de Santo André de Castro.

Tamén se acorda a concesión da licenza de primeira utilización para a nave sita na avda. Benigno Ribera, parcela 62-B, con licenzas de obra números 390/98 e 10/10.

2. XESTIÓN.- Acórdase a declaración de ruína urbanística na expediente contradictorio de ruína urbanística do inmovible número 4 da praza Anxo Fernández Gómez.

ÁREA DE ECONOMÍA E EMPREGO

3. CONTRATACIÓN, PATRIMONIO E FOMENTO.- Acórdase a prórroga polo prazo de seis meses ou ata adxudicación do novo contrato do contrato administrativo correspondente ós traballos de asistencia técnica para o desempeño de funcións, segundo establece o convenio de colaboración asinado entre este Concello e o catastro en materia de mantemento catastral relativo ás alteracións de orde física e económica e tramitación de expedientes tanto de natureza urbana coma rústica.

Tamén se acorda a prórroga do contrato (centro de día para persoas maiores, abrite) polo concerto de quince prazas para atención de persoas maiores dependentes en réxime de atención diúrna polo prazo máximo dun ano, contado dende o 27 de marzo de 2010.

Acórdase a revisión de prezos do contrato subscrito coa encargada do servizo de retirada de vehículos da vía pública e o seu traslado ó depósito para a actualización do contrato durante o período comprendido entre o 1 de decembro de 2009 e o 30 de novembro de 2010.

Así mesmo, acórdase a revisión de prezos para o período comprendido entre o 1 de decembro de 2009 e o 30 de novembro de 2010 para a actualización do contrato asinado coa empresa encargada da prestación do servizo de control de estornións na cidade de Lugo mediante a elaboración dun plan integral.

Acórdase a revisión de prezos para o período comprendido entre o 27 de abril de 2009 e o 26 de abril de 2010 para a actualización do contrato asinado coa empresa encargada da prestación do servizo de control de pombas na cidade de Lugo mediante a elaboración dun plan integral.

Do mesmo xeito, acórdase a revisión de prezos solicitada pola empresa encargada da xestión e tratamento de residuos sólidos urbanos, para o período comprendido entre o 1 de xaneiro e o 31 de decembro de 2010, para a actualización do prezo por tonelada de tratamento de residuos sólidos urbanos.

Acórdase a selección dunha mutua no procedemento de licitación para a subscripción dun convenio de asociación cunha mutua de accidentes de traballo e enfermidades profesionais.

Acórdase a adxudicación provisional na contratación dun servizo de prevención alleo nas especialidades técnicas (seguridade no traballo, hixiene industrial, ergonomía e psicosocioloxía aplicada), así como da vixilancia da saúde.

Acórdase a actualización 2010 no II plan estratéxico de subvencións do Concello de Lugo, 2008-2011.

4. INTERVENCIÓN.- Dáse de conta da modificación número 1 do orzamento xeral de 2010, mediante transferencia de crédito por importe de 61.270,00 euros.

5. FACENDA LOCAL.- Acórdase a regularización da situación tributaria en concepto de taxa pola prestación de servizos urbanísticos e imposto sobre construcións, instalacións e obras, ó denegarse a licenza solicitada para legalización de entresollado da edificación sita na avda. da Coruña, 29.

Lugo, 10 de marzo de 2010
O CONCELLEIRO-SECRETARIO EN FUNCÍONS,

Asdo.: José Rábade Arias